



太平御覽

六十二



内閣文庫		
番號	漢	1842
冊數	240	(62)
函號	別 14	1







太平御覽卷一百八十六

居處部十四

淺草文庫

厨

竈

竈

厨

厨

說文曰厨庖室也

易曰庖有魚不及賓也

毛詩曰大庖不盈

禮記玉藻曰君子遠庖厨凡有血氣之類弗身

踐也

又曰獵之禮一為乾豆二為賓客三為克軍之庖
漢書賈誼曰其禽獸見其生不忍見其死見其聲
不忍食其肉故遠庖厨所以長恩且明有仁也
七賢傳曰阮籍以兵厨中有美酒求為步兵校
尉
司馬相如上林賦曰庖厨不徙後宮不移

竈

禮有五祀竈居一焉

月令孟夏其祀竈祭祀先肺陽氣盛熱外祀

之於竈從熟類也禮記文仲燔柴於竈耆老婦之
祭也盛於盆尊于執非所柴也文仲馬知禮
禮庶人立一祀或立戶或立竈

論語王孫賈曰與其媚於奧寧媚於竈

史記孫臏救韓入魏為十萬竈明日為五萬竈
又明日為三萬竈洎經三日大喜吾固知齊人怯
入吾地三日士卒亡者過半遂逐之

後漢書曰何栩性不恆又以狂坐於竈北屋上

又曰張忠署孫臏為主簿遂祭竈請北隣

又曰陰識之子方臘日晨炊而竈神見殺黃羊因
祀之三世繁昌遂常以臘日祭也

淮南子曰黃帝作竈死為竈神

莊子曰仲尼作春秋老耄踞竈舐竈額

宜都縣記曰宜都山絕崖壁立數百丈有一火爐

挿在崖間望在長數尺傳云堯洪水入泊船此旁

爨餘故曰挿竈

萬畢術曰竈神晦日歸天白人罪

夢書曰竈主食夢者得食

竈

周禮考功記曰宮中之竈其崇三尺

左傳曰畢門主竈之人皆凌其上

晉書曰光逸亂避依胡毋輔之初至屬輔之與謝崑

阮放畢卓羊曼桓彝阮孚散髮裸袒閉室酣飲以

累日逸將排戶入守者不聽逸便於戶外脫衣露

頸于狗竈中窺之而大叫輔之驚曰他人決不能

爾必我孟祖也遂呼入遂與飲不捨晝夜時人謂

之八達

廁

廣雅曰清溷屏廁也

說文曰廁清也

釋名曰廁言人雜廁在上非一人或曰溷濁已或清至穢宜常修治使清潔

史記曰朱虛侯入未央宮遂繫呂產走天風大起從官亂莫敢鬪遂殺產於郎中府廁

又曰大將軍衛青侍中上據廁而視之注溷廁也漢書曰郅都侍上賈姬如廁有野彘入廁上目都

擊之都不上住教自行都伏諫曰一姬死後一姬進上雖有輕柰太后宗廟何太后聞之賜都金魏氏春秋曰許允為鎮北將軍未發徙樂浪允善相印將拜印以不善更刻大如此者三允曰印雖好而已被辱問送印者果懷之而墜于廁
幽明錄曰阮德如嘗於廁見一鬼長丈餘色黑眼大着皂單衣平上慎去之咫尺德如心安氣定徐喚而語之曰人言鬼可憎果然
神仙傳曰淮南王安謂仙伯坐起不恭主者奏安

不敬謫守廁三年

抱朴子曰內篇曰河東項曼都入山學仙十年而歸家問其故曼都曰在山中仙人乘龍迎我上天仲先過紫府金床玉几真貴處也仙人以流霞杯飲我輒不死不飢渴天帝有失行來還者淮南王謫之守廁矣吾乎人訖

語林曰劉實詣石崇如廁見有絳文帳裊褥甚麗兩婢持錦囊實據退笑謂崇曰何誤入卿室崇曰寔廁耳寔更往向乃守廁婢所進囊是籌

良久不得便行謂崇曰貧士不得此廁乃如乃廁又曰石崇廁常有十餘侍婢列皆佳麗藻飾置甲煎沉香無不畢備又與新衣客多不能着王敦為將軍少年既脫故衣着新衣婢謂曰此客必能作賊

世說曰王大將軍敦敦初上主廁見漆箱中盛乾本以塞鼻王謂上廁下果食遂至盞既還婢擊金藻盤盛水琉璃椀澡豆敦自廁著水中而飲之謂之乾飲群婢掩口而笑之

於之... 太平御覽卷一百八十六... 廣雅曰墉垣墉也... 釋名曰墉容也... 辟漸風寒也... 障障也... 垣接

太平御覽卷一百八十七

居處部十五

牆壁

柱

梁

棟

說文曰垣蔽曰牆又曰壁垣也

爾雅曰牆謂之墉

廣雅曰墉垣墉也

釋名曰墉容也所以蔽隱於形容壁辟也所以
辟漸風寒也牆障也所以自障蔽也垣接

也人所阻以為援衛也

尚書大傳曰賁墉諸侯䟽杼注曰賁大也高大
牆正直道也䟽衰也杼亦牆也

詩曰築室百堵

又曰誰謂鼠無牙何以穿我墉

又曰乘彼塿垣以望復閔

又曰將仲子兮無踰我牆

又曰兄弟閱于牆外禦其侮

又曰徹我牆屋田卒于萊毀屋不得農也

禮曰七月圻墻垣六月小暑後五日蟋蟀居壁

周禮曰牆厚三尺注云高卑為率足以相為勝也

左傳曰巢牛隱於短垣以射吳子諸樊

又曰寺人披伐蒲重耳踰垣而走披斬其袪

又曰晉靈公不辱君歛以雕牆

論語曰糞土之牆不可污也

又曰其猶正牆面而立也歟

史記曰司馬相如家成都貧徒四壁立

漢書曰貫高等欲害高祖置人於復壁中

又曰史叔賓者陳留人也少有盛名郭林宗見而告人也牆高塞下雖得必定後果以議論阿枉毀名云

晉書外國傳云大秦國以琉璃為牆壁

齊書曰徐孝嗣初在宰府晝卧齋北壁下夢兩童子遽云移公床孝嗣驚起行數步而壁崩

莊子曰正考父一命而偃再命而僂三命而俯循牆而走孰敢不軌

家語曰孔子觀乎明堂觀四門之墉有堯舜

桀紂之象各有善惡之狀興廢之誠焉

衡山記曰甘泉東有石壁禹所刻文在此

淮南子曰舜作宮築牆始也

漢官儀曰省中皆胡粉塗壁畫古烈王

新序曰諸侯牆有黑堊之色無丹青之彩

神仙曰和事王君王君語曰我暫往瀛州汝正

白玉石室熟視此壁當見文字讀之得道矣三

年方見壁上有古人所刻太清經讀之得仙

魏畧曰趙岐避難青州市孫嵩知岐避事置岐

於複壁中

西京雜記云匡衡鑿家壁偷光讀書

宋玉賦云東家美女登牆窺玉三年玉猶未許

芴林曰千仞之牆禍不及門

北征記曰鄴城避雷室西南石溝北有華林牆

牆高九丈方圍一里也

柱

廣雅曰楹謂之柱

釋名曰柱住也楹亭也亭：然孤立也

周書文王在鎬召太子發曰吾枯柱而茅茨為民
愛費也

左傳曰叔孫豹指楹曰雖惡是其可去乎

又曰垣牆宮楹

穀梁傳曰丹垣宮楹天子丹諸侯黝大夫蒼

大戴禮曰周時德澤和洽蒿茂以為宮柱名曰

蒿宮

漢書郊祀志曰武帝鑄栢梁銅柱

又曰成帝立趙皇后劉輔諫曰朽木不可為柱卑

人不可為主

魏畧曰大秦國以水精為室柱

晉書曰石季龍掘秦始皇冢取其銅柱鑄以為

器

又曰太始二年秋營太廟致荆山之材採華山之石鑄銅柱十二塗以黃金鏤以百物綴以明珠晉記曰諸葛誕以氣厲稱帝倚柱讀書雷震其柱誕讀書自若

陳書曰初梁侯景焚太極殿及景平至陳武帝

議欲營之獨缺其柱至是有樟木大十八圍長四丈五尺流洎後渚因得用之

漢武內傳曰上起神屋鑄銅為柱金塗大五圍

帝王世紀曰桀作金柱三千

列女傳曰紂作銅柱以炭火燃之有罪者令抱其柱輒墜炭中妲己觀以為笑

應劭漢官儀曰開陽門始成未有名夜一柱來上樓上瑯琊開陽縣上言南一柱飛去光武使視因刻記其年月以名門焉

三輔決錄曰長陵田鳳字季宗為尚書郎儀貌
端正入奏事靈帝目送之因題殿柱曰堂堂乎張
景非田郎

北征記曰廣陵吳王濞所都大城得柏柱三皆柏
心蓋吳濞門柱也

洛陽記曰太極殿有金銅柱

荊州記曰巴東城西有一柏柱孤植大可數圍高
三丈餘相傳公孫叔時樓柱乃云斫之血出枯而
不朽歷代彌固將恐有物憑

列子曰共工觸不周山天柱折

燕丹曰荆軻以匕首摘決秦王入耳銅柱火出

淮南子曰柱不可刺齒逢不可以持屋

劉良七舉曰綠柱朱榱青瑤碧璫

梁

爾雅曰雜腐謂之梁

吳越春秋曰夏禹廟以揚梅林本為梁

易林旅之咸曰金梁鐵柱完全不腐

漢官典職曰德陽宮畫屋朱梁

曹子建七啓曰彤軒紫柱文棟畫梁

古歌曰本自南山松今為宮殿梁

西京賦曰絙雄虹之長梁

長門賦曰飾文杏以為梁

西交賦曰固瑰材而究奇抗龍之虹梁

楚詞云玄玉之梁

曹植詩云文棟華梁

棟

爾雅曰棟謂之浮注曰屋椽也

易大過卦曰棟桡本末弱

左傳曰子產謂子皮於鄭國棟也棟折榱崩僑

將墜焉

漢武帝故事上起神屋薨附作金鳳軒翥飛苦

口銜流蕪：長十餘丈

神仙傳曰左慈與曹公飲飲畢以杯擲屋棟懸

著棟搖動似飛鳥

桓子親論曰王公大人則嘉得良師明輔品庶

允民則樂得仁賢哲士皆國之柱棟而人之羽

翼

楚詞九歌曰桂棟兮蘭橈新夷捐約房
郭璞遊仙詩雲生棟梁間

太平御覽卷一百八十七

太平御覽卷一百八十八

居處部十六

窻

檻

椽

檐

稅

梁

桁

輔首

藻井

鴟尾

質礎

輿

屋漏

宦

突

墀

瓦

窻

說文曰窻穿壁以木為交窻所以見日也向北出

墉也在牆曰牖在屋曰窓
釋名曰窓聰也於內視外謂之聰明

大戴禮曰隨武子牖之銘曰隨天之時以地則之
敬祀皇天敬以先時

禮記郊特牲曰薄社此牖使陰明

又儒行曰華門閨竇蓬戶瓮牖

東觀漢記曰明德馬后不喜出入遊觀希嘗臨
御窓望

老子曰鑿戶牖以為室

又曰不窺牖見天道

漢官封禪儀曰泰山有天窓

三輔黃圖曰明堂有七十二牖

孝經注曰明堂之制八窓四闈

東宮舊事曰閣內有曲輦：上崔目窓

西京雜記曰昭陽殿窓戶扇多是綠琉璃皆通照
毛髮不藏

漢武故事曰西王母降東方朔於鳥牖中窺母母
謂帝曰此兒無賴久被斥回原心無恙尋當得還

又曰帝起神屋有雲母窓珊瑚窓
聖賢冢墓記曰東平思王奢廩及死生葬所幸奴婢
鑄銅窓內令守冢

法五行數曰太公金匱牖之書曰闕望審且念所
得可思所忘

陸机詩曰安寢北堂上明月入我牖照之有餘輝
覽之不盈手

靈光殿賦曰窓中列遠岫

蜀都賦曰列綺窓以瞰江

古詩曰盈_匕樓上女皎_匕當窓牖
又曰文殊結綺窓阿閣三重階

檻

漢書曰朱雲忠諫攀檻：折及治上曰勿易因而
輯之以旌直臣
文選曰伏檻檻而俯聽聞雷霆之相激
靈光殿賦曰軒檻蔓延

楚詞曰坐堂伏檻臨曲池
又曰照檻兮扶桑

通俗文曰屋加椽曰撩

漢書解語曰楠楠也諸侯丹楠以丹色也

詩曰松楠有挺

續漢書曰蔡邕避難在吳告人曰吾昔經會稽高遷亭見屋椽竹從東間數第十六可以為籥取用果有異聲

漢記曰梁莫起臺殿梁柱椽楠鏤為青龍白虎画以丹青雲氣

戰國策曰或謂孟嘗君曰廟廟之椽非一木之枝

先王之法非一士之智

漢武故事曰上起神屋以金椽為刻玳瑁為龍虎禽獸以薄其狀上若隱起椽首皆作龍首啣鈴流蘇懸之

西京雜記曰昭陽殿椽楠皆刻作蛇龍縈繞其間鱗甲分明見者莫不驚慄

韓子曰堯舜采椽不刮茅茨不剪

椽

說文曰椽棍也

釋名曰檣撰也接屋前後也柶旅也連旅之或謂
檣之綿也檣頭使平也上入曰雀頭形似爵也
禮記明堂位曰復廟重檣天子之廟飭也
爾雅曰檣謂之檣

稅

爾雅曰梁上楹謂之稅

漢官解詁曰稅梁上柱也諸侯藻稅為藻文也

洛陽曰堂皇宮殿皆石玉璫龍栴藻稅

禮記禮器曰管仲鏤簋朱絃山節藻稅君子以

槩

爾雅曰櫛謂之槩

三輔故事曰王莽起九廟為銅鐻櫛

揚子法言曰吾未見斧藻其德若藻其槩者也

斲

爾雅曰斲謂之疾

廣雅曰薄謂之肩謂之槩

說文曰斲屋強也

靈光殿賦曰曲橋斲夫橋而還勾

斲
斲
斲

斲

輔首

通俗文曰門扇飾謂之輔首

說文曰門首謂之輔首

風俗通曰門戶輔首百家書云輸般見水上蟲以

足畫圖之蟲引閉其戶終不可開設之門戶欲使

閉藏當如此固密也

藻

風俗通曰殿堂象東井形刻作荷凌水物所以

厭火也

西都賦曰蒂倒茄於藻井披紅葩狎獵

靈光賦曰圓淵方井反植荷葉綠房紫酌吐吃

垂珠

魏都賦曰綺井列甃以懸蒂葉連葩以到彼

曹植七啓詩曰綺井含葩金壁玉箱

鳩尾

晉中興書曰奉元十年鶴巢太極殿東鳩尾

宋武大明元年五月戊午嘉禾一株五莖生清暑

殿鳩吻

陳書曰高祖二年戊辰重雲殿東鷓鴣吻有紫煙出
屬天
唐會要曰漢柏梁殿災後平曰海中有北尾似鷓
激浪即降雨遂作其象於屋以厭火祥時人或
謂吻非也

質礎

說文曰礎柱下石也古以木今以石
廣志曰鷓石有五色者光澤以為柱出苑蓬山
古史考曰秦始皇使刑徒七萬人作駟山北石為

鷓

南州異物志曰大秦國以水精為鷓
淮南子曰山雲蒸柱礎潤
西京賦曰彫楹玉鷓
景福殿賦曰金楹齊列玉鷓成跌

奧

論語八佾曰與其媚於奧寧媚於竈
爾雅曰西南隅謂之奧
通俗文曰奧內曰宸

呂氏春秋曰苑春諫衛公云君因陽隩有竈不知寒矣

屋漏

毛詩曰抑蕩云相在爾室上不愧于屋漏

爾雅曰東北隅謂之屋漏

宦

爾雅曰東北隅謂之宦

說文曰宦養也宦東北隅食所居也

突

爾雅曰東南隅謂之突

釋名曰突出也亦取宜也

墼

詩曰乃生女子載弄之瓦：紡墼也

又曰中堂有甍柱一名甍甍

宋書范曄母如廁而產額為墼所傷故以墼為

小字

瓦

說文曰瓦器土也燒之物名也

禮記曰有虞氏瓦棺

又曰毀方而瓦合

史記曰秦君武西安鼓譟勤兵武安屋瓦盡震

漢書曰霍光行巷見有人在屋上撒瓦投地視不

見而霍氏誅

魏志曰魏文帝謂周宣王曰朕夢殿上双瓦落地

化為鴛鴦何也宣曰後宮當有暴死者適史為

宮相害死也

吳錄曰景帝時戍將于廣陵掘諸冢取板塼

以城新壞甚多

晉書曰張孟陽貌醜嘗從潘岳遊洛陽市岳美貌

群女爭以果擲岳滿車箱孟陽被投之瓦石

古史曰昆吾氏作瓦

博物志曰桀作瓦

夢書曰夢見瓦而為甲鎧禁禍患

漢武故事云上起神屋以銅為瓦

莊子曰雖有枝心不怨飄瓦

又曰陶者曰我善治埴

大秦記曰大秦以水精為瓦
抱朴子曰玃狄不能削瓦石為芒鉞

太平御覽卷一百八十八

太平御覽卷一百八十九

居處部十七

井

井

釋名曰井清也泉清潔者也

易傳曰井通也物所通用也

禮記曰井與門戶竈中雷為祀五

世本曰伯夷作井

周書云黃帝作井

說文曰人家一井

易曰改邑不改井無喪無得往來井

史記曰蘇睢使舜穿井穿井匿空房出舜既入深瞽睢與象共下土寔井從匿空中出去

漢書曰蜀益井羅褒益井致富

又曰陳遵每大飲會賓客滿堂輒閉門取客船轄投井中

後漢書曰瑯琊有冰井冰厚尺餘

文曰張讓劫天子至河掌筆者投筆井中後孫

堅討董卓至杞國見井有五色光後浚井得筆

梁書曰巴郡忽有地自開成井方六丈深三十六丈帝王世紀曰堯時老人擊壤於路而歌曰鑿井而飲耕田而食帝力於我何有哉

南陵史曰延陵縣季子廟沸井之地忽聞金石聲疑有異鑿深三尺得沸井奔湧若浪其地又響即復查鑿之復得一井湧沸亦然井中一木簡長一尺廣二分上有隱起字曰廬山道士張陵再拜謁簡大堅白字色乃黃

魏畧曰明帝九龍殿前為玉井綺

高士曰管寧所居會汲者或男女雜錯或爭井
聞寧乃多置器分置井旁汲以待之
墨子云備城五十步一井
孟子曰有為者譬如掘井掘井九仞而不及泉猶
為棄井也

范子曰直木先伐井先竭
孫子兵法曰地多陷曲曰天井
呂氏春秋曰天下之美者崑崙之井

說苑曰季桓子穿井得土缶中有羊以問孔子言
得狗孔子曰以吾所聞非狗乃羊也木之夔罔兩
水之怪龍罔象土之恠芬羊也非狗也桓子曰善
哉

葛仙公傳曰仙公取數十錢使一人投井中公從
井上呼錢又一一飛從井中出入器也
水經注曰華林苑疏圃中有古井悉珉玉為之
績石為口玉作精神窈猶不變若粲焉如新
異苑曰蘭陵昌慮縣郟城有華山上有井鳥巢

其中金喙黑色而團翅此禽見則大水井又不可
窺者盈歲輒死
又曰廣陵郡東界有黃公冢高墳二所前有一
井而廣數尺每旱不竭有於其中得銅釜及罐
各一
又曰潯陽曇椿世居長沙宅有古井每夜輒聞
有如炮竹聲相承謂之龍叱
風俗通曰郊子路行飲馬投錢井中
續漢禮儀志曰夏至日浚井改水冬至日鑽燧改

火

淮南子曰伯益作井而黃龍登

異物志曰虞陵城中有一井井中有二色半青半

黃黃者似炭汁作糜粥皆金色因名之金井

豫章記曰厭源山西北余伴村五六里有洪井說

云洪崖先生之井

幽明錄曰襄邑縣南有瀨鄉老子廟中有九

井潔齋入溫清隨人意念

瀨鄉記云老子廟中有九井汲一井餘井水平動

廣志曰臨卽有粉井得其水沃則益光

嵩山記曰火室山有雲母井出雲母

洛陽記曰宮牆西有兩銅井連玉溝名曰濛汜

羊頭山記曰衛青破月支月支有井色如酒名曰

酒井

又曰東阿縣城北門有大井深七尺煮之得膠貢

之

又曰雍丘縣有神井興霧電享祭不輟

又曰盤固山有大井銅人掌守之五十年一湧水

起數十丈五銅人每以手掩之即止

荊州記曰風井夏則風出冬則風入

又曰益陽縣有岡岡上有金井數百尺傳云昔有

金人以杖撞地而輒成井

拾遺記曰峻鍤山名下有金井白氣冠其上井中

金骨冷

又曰貴州有司命井半甘半淡潛湧江波虛盈如

勢

又曰衡山猴曇山山有溪濠神祠壇：旁有石井

常無水人祀之水即出事了即乾

又曰柳州昔相嶺西麓下有潮井半畝一日三湧三落

又曰堯井在汜水縣東十五里漢高祖敗項羽追之入此井得免見井中有雙鳩飛出有蜘蛛網因而得免

又曰濟州穀城管仲私邑今城內有大夫五井焉又曰廣州越井岡一云越王井云趙十誤墜酒杯於井遂浮出石門故詩云石門過越井是也

師曠問天老曰人家忌膈日殺生于堂上有血光一不祥也井上種挑花落井三不祥也符瑞圖曰浪井者不鑿自成王者清淨則有仙人主之

丹陽記曰句容縣有沸井亦曰沸澤

嶺表錄曰珠州在白州双角山下昔梁山氏之女有容貌石季倫為交趾使以珍珠三斛買梁氏今舊井存焉

白澤圖曰井神曰吹簫女子

隋圖經云常山縣唐中山城西隅有一大井俗名趙毋井

魏都賦曰墨井鹽池注云鄴西高岡有石墨井

太平御覽卷一百八十九

太平御覽卷一百九十

居處部十八

倉

困

庾

倉

說文曰倉穀城也倉黃取而藏之故謂之倉

周禮注曰藏米曰廩

釋名曰倉藏穀物也

詩云乃求千斯倉乃求萬箱以峙其糧

又曰豐年多黍多稌亦有高廩萬億及秭

又曰我倉既盈我庾為億

尚書曰武王克商發鉅橋之粟大賚于百姓鉅橋
紂倉也

禮記月令曰季春發倉廩賜貧窮

又曰五穀皆入必量於歲

又曰循行積聚無有不歛

又曰孟命有司實審脩囷倉蓋藏務積聚

公羊傳桓公曰御廩災御廩者何梁盛之所藏也

春秋佐助期曰天廩食神明均若

史記曰舜毋嫉舜舜父使舜塗倉下於火而燒
舜垂席而下得無傷

又曰李斯年少時觀倉中鼠食粟居大廡下乃歎

曰賢不肖譬如鼠矣在所處耳乃從荀卿學帝

王之術

又曰高帝七年立太倉

漢書曰汲黯因使矯制發倉救河內飢民上釋罪

又曰武帝之初民給家足太倉之粟陳上相因詩

曰如岡如阜如山如陵

又曰宣帝紀曰耿壽昌奏設常平倉豐則糶歉則糶以利民

又賈捐之上書曰武帝元狩六年太倉粟腐不可食郡國志曰衡山石廩峯一如倉庾有二戶一開一閉閉者有闕鑰之形

越絕書曰吳兩倉春申君所造一名均輸

洛陽記曰有常滿倉

天門集曰廩星主倉

吳書曰建康宮城即吳苑城城內有倉名曰苑

倉故開比瀆通轉運於倉所時人亦呼為倉城

晉咸和中脩苑城為宮惟倉不毀故名太倉在

西華門內道

食貨志曰漢宣帝時年豐人少利時大司農中丞耿壽昌上計令郡國皆築倉以穀賤增其價而糶以利農穀貴減其價而糶以利民名曰常平倉百姓利之也

晉陽秋曰秦始皇四年七月立長太平倉豐則糶歉則糶以利民也

管子曰錯國不傾之地積不涸之倉藏不竭之府
注不涸之倉言務五穀也
永嘉郡記曰青田溪發源太湖湖是白土無復細
石中生蘊藻冬天水熟如湯故衆魚歸之名曰
魚倉

述征記曰東城二石橋舊于王城之東北開渠引洛
水名曰陽渠東流經洛陽於城之東南然後北迴
通運至建春門以輸常滿倉

益州記曰今成都縣東有頽城毀垣土人云古白帝

倉也

異苑曰餘姚縣倉封閉甚密而年年輒大損耗是富
陽縣桓王陵上双石龜所食即斲毀龜口於是無
復虧減

三輔故事曰漢大將軍周亞夫軍於細柳今石激
是也石激西有細柳倉城東有嘉禾倉

後漢書曰隗囂既敗公孫述欲安衆以成都郭外
有秦時舊倉述改名曰帝倉自王莽以來常空述
即使人言白帝倉出穀如山陵百姓空市里往觀

之述乃大會群臣問曰白帝倉竟出穀乎皆對言
無述曰訛言不可信道隗王破者復入此矣俄爾
翼將王元降述以為將軍
老子曰田甚蕪倉甚虛
管子曰倉廩寔知禮節
又曰不務地利則倉不盈

莊子曰諸中國之在海內不似梯米之在太倉乎
韓子曰韓昭侯之時黍稷貴昭侯令人復廩吏果
竊黍種稭之

漢書曰王嘉奏事曰孝文時吏居官者或長子孫
以官為民倉氏庫氏則倉庫吏之後也
拾遺記曰曹曾過世亂家：焚庐曾積書萬卷慮
其先文湮沒乃積石如倉廩以藏書世謂曹家
書倉焉

淮南子曰近數倉者不為之多飯期滿腹而已
鹽鐵論曰匈奴因山谷為城池水草為倉廩

困

西京雜記曰曹元理善筭友人陳廣漢者有二困

忘其石數冀欠一斗乃有鼠大如斗在其中

吳志曰周瑜過魯肅求資肅有米三千石乃指一

困與之

詩曰胡取米三百困兮

庾

毛詩曰曾孫之庾如坻如京注曰庾露積也

韓詩外傳曰王者藏於天下諸侯藏於百姓農夫藏

於困庾商賈藏於篋笥

太平御覽卷一百九十 終

太平御覽卷一百九十一

居處部十九

府庫藏

廡

市

府庫藏

釋名曰庫舍也物在舍也齊魯謂庫為舍也

說文曰庫兵車所藏也帑金帛所藏也府文書

所藏也

禮記曰季秋之月命百工審五庫之量

月令章句曰五庫者一曰車庫二曰兵庫三曰祭

器庫四曰樂器庫五曰宴器庫

又月令曰李春命有司開府庫出幣帛聘名士
尚書武成篇曰王克商散鹿臺之財紂所積之府
庫曰鹿臺

漢書曰漢高祖七年蕭何立東闕前殿武庫

又曰立武庫以藏禁兵

後漢書曰靈帝光和中武庫屋自壞司隸許冰上
書曰武庫禁兵所在國司之禁為災滌矣

魏志曰嘉平中二魚集於武庫屋上

晉書曰武庫封閉甚密忽雉雉張華曰此必蛇化
為雉觀之果有蛇蛻也

又曰趙王倫既還詣事賈后因求錄尚書後又求
尚書令張華與裴頠皆固執不可由是致怨倫秀
疾華如讎武庫火華惧因此變作列兵固守然後
救之故累代之宝及漢高斬蛇劍玉莽頭孔子履
盡焚焉華見劍穿壁而飛莫知所向

拾遺記曰縻竺用陶朱公計術曰益億萬之利貨
擬王家有寶庫千間

韓詩外傳曰晉平公藏寶之臺燒救火三日三夜
公晏子賀曰臣聞王者藏於天下諸侯藏於百姓
農夫藏於困倉商賈藏於篋匱今百姓乏於外
而賦歛無已者桀紂殘賊而為天下戮今皇天下
降災於藏臺是君之福也
魏都曰藏之藏注曰白藏庫在西城有屋一百七
十四間爾雅秋為白藏因以為名
西京賦曰武庫禁兵設在蘭奇

廐

說文曰廐馬舍也

釋名曰廐鳩也聚也牛馬之所聚也

詩曰乘馬在廐

穀梁傳曰二十九年新延廐者法廐注周禮天子

十二閑言法廐者六閑之舊制

禮記雜記曰廐焚孔子拜御人為火來者拜之士

大夫載亦相子之道也

論記曰廐焚子退朝曰傷人乎不問馬

東觀漢記曰順帝漢安元年始置承華廐舍令

漢書儀曰天子鹿廐未央廐承華廐皆萬匹
三輔黃圖曰未央宮有金花廐輅輅廐大廐果馬
乾梁廐騎馬廐大宛廐胡河廐駒駘廐凡廐九在
城內
孟子曰廐有肥馬途有餓殍是率獸而食人也
春秋佐助期曰廐星傳令神明詩時

市

古史考曰神農作舍市本祝融作市
說文曰市買賣之所也

古今注曰闔市垣也闔市門也
風俗通曰俗言市井者言至市鬻賣當瀕於井上
洗濯令鮮潔然後市按二十畝為一井今因井為
市

周禮曰凡國凶荒札喪則市無徵
史記曰呂不韋撰春秋成榜於秦市曰有人能改一
字者賜金三十勛
周禮曰國君過市刑人赦夫人過市罰一筭世子過
市罰一幣命夫過市罰一蓋命婦過市罰一帷

注曰市者交利行刑之處也君子無過不往觀焉
郡國志曰長安大狹萬子夏居柳市司馬季主卜
東市西市在醴泉坊隋曰利人市因有西市署
洛陽記曰西市隋曰利人市市西北隅有海池長
安中僧法成所穿分永安渠以注之以為放生之所
穿池得古石銘云百年為市而後為池自置立市
至時百餘年矣
禮記曰用器不中度鬻於市有帛精粗不中數幅
廣狹不中量不鬻於市好色亂正色不鬻於市也

西京賦曰郭開九井市通闐帶闐旗亭五重俯察
百遂是也

洛陽記曰三市大市名也金市在大城西南市在
城南馬市在大城東按金市名商觀西允為金
故曰金馬市

太平御覽卷一百九十一

城曰金甌市

越山區市亦大城東越金市及廣臨西吳臨合

於新市曰三市大市或也金市亦大城西臨中

百蓋吳也

西京雜曰唯開此市中而開帶斷疑亭五蓋

太平御覽卷一百九十二

居處部二十

城上

說文曰城以盛民也墉城垣也

釋名曰城盛也盛授國都也

又曰城上垣謂之睥睨言於孔中睥睨非常也亦

曰禪言禪助城之高也亦曰女墻言卑小比之於

城若女子之於丈夫也所謂堞亦女墻也

詩曰宗子維城無俾城壞

又曰哲夫城城哲婦頌城

禮記曰上曰登高不指城上不呼

公羊傳曰城雉者何五板而堵五堵而雉百雉而城

公羊傳注曰天子之城千雉高七雉公侯百雉高五雉男五雉高三雉

史記曰秦始皇使蒙恬北築長城西屬流沙東至遼水以捍胡

又曰秦二世欲漆城優旃曰善哉漆城光蕩

寇來不得上易為漆耳顧難為蔭室二世笑遂

止

漢書曰武帝太初元年使將軍公孫傲塞外受降城

又曰梁孝王廣睢陽城周七十里

又曰昭帝元鳳六年募郡國徙遼東玄兔城

晉書曰涼州城有龍形故名卧龍城本匈奴所築也

又曰朱序遷涼州刺史鎮襄陽符堅遣軍圍序

序毋韓氏自行城謂西北角當先弊遂領百餘
婢及城中女丁築二十餘丈賊攻新築不敗遂引
退襄陽謂之夫人城

唐書曰天寶二年正月二十八日築神都羅城號
曰金城

又曰建昌元年五月築奉天城四年十月止避難于
奉天初術士桑道茂奏請城奉天為王者之居至
是方驗

五經異義曰天子之城高九仞公侯七仞伯五仞

子男三仞

家語曰邑百雉之城古之制也

國語曰衆心成城言以衆心為城

列女傳曰齊人杞梁襲莒戰而死其妻就夫之死
城下哭之七日而城崩

淮南子曰崑崙山有層城九重

又曰縣作九仞之城

古今注曰秦所築長城土色紫漢塞亦然故稱紫塞
述異記曰廬山上北嶺有城號康王城天雨聞鼓

角之聲傳云周康王好音累巡名山故有康王之號

又曰安陽存金城城皆如金色堅勁不崩摧先儒云上古時天雨黃金也

秦州記曰天水郡治上邽城前有湖水冬夏中停無增減天水取名由此湖也

又曰金城郡漢昭元始六年所置應劭云初築城得金故曰金城凡城皆稱金言其固也

三齊畧記曰陽庭城東西二百五十里青城山秦

始皇登北山造石城入河三十里臨海射魚方四百里水變血色今猶爾也

齊記曰不夜城在陽庭東南一百二十里古者曰日夜出見於東境故萊子此城以不夜為名異之

宜郡記曰限山縣有山下魚城四面絕崖兩道可上皆險周迴二十里上有林木池水里民種於山下昔永嘉之亂土人登此避賊守經年食魚擲下與賊不窮賦遂退散因以此為下魚城

吳地記曰越來溪西魚城者吳王既遊姑蘓築此

城以養魚

又曰魚城之西有故城長老云築以釀酒今俗人呼之為苦酒城

又曰匠門外鴨城吳王築此以養鴨

又曰婁門外鷄陂者吳王養雞城

又曰當陽縣東南有麥城東有驢磨城倚角城傳云伍員造此二城以攻麥城故假之驢磨之名

荆州圖記曰白帝城西臨大江東南高二百丈西北高一千丈

荆州記曰馬枚城東三里有蜂城相傳云城隨門上大小尖其形似蜂故有蜂號

又曰秭歸縣西有揚城周迴十餘里即熊繹所居

又曰鄧城有樊城是樊仲山甫所封也

又曰純陽縣有却月城西一里馬城也

又曰夷陽縣南對岸有陸抗故城即山為壙西面天險上有步閘故城

又曰新野郡魏三公城左右傳漢時三公錢離處

也
北征記曰梁國名故宋國微子所封城再重大城
梁孝王所築


閔中記曰長安地皆黑壤城今赤如火堅如石父
老所傳鑿龍首山土為城又諸臺閔亦爾

益州記曰益州城張儀所築錦城在州南蜀時
故宮也其處號錦里

三輔黃圖曰長安城西南頭第一門名直城王莽
改曰端路今名直城

水經注曰易水西山寬中谷東經五大夫城昔此
平侯王潭不同王莽之亂生五子並避亂隱居
北山故其後世以為五大夫城

成都記曰府城本呼為錦城秦滅蜀張儀所
築也每面各三里周迴十二里高七丈屢皆傾倒
忽有大龜周行其所躡而築之功果就故亦號
為龜城



太平御覽卷一百九十二

秋東... 六六... 昔...

... 王... 五... 五... 五... 五...

... 其... 以... 五... 六... 六...

... 日... 本... 行... 無... 無... 無...

... 山... 西... 三... 里... 則... 只... 十... 二... 里... 高... 上... 天... 氣... 昔... 時... 何...

... 東... 天... 氣... 風... 行... 其... 行... 無... 而... 集... 二... 山... 氣... 始... 始... 亦... 終...

... 高... 息... 地...

